

泰和縣志卷二十

吉安府泰和縣知縣高陽冉崇重輯

人物志五

列傳

明

郭子瀘

王宣

獨孤樂善

曾泉

李湘

李信圭

嚴頤

蕭鑑

泰和縣志

卷二十

人物列傳

羅仲本

蕭昺

曾翬

蕭璉

龍文

段績

陳宜

劉錯

王儼

蕭彛

楊煥

曾蒙簡

羅俊

尹五

楊琚

羅用俊

康驥

王用

羅璟

蕭禎

張達

蕭蒼

曾望宏

龍伯

文士

曾彥

廖陞

曾追


羅欽順

陳鳳梧

劉訥

鄧昂

明



郭子濬楊村人以貢中應天鄉試洪武丁丑進士以行人清慎明敏善於其職綽有能名

宏治志

王宣字倬昭南富人舉洪武己卯鄉試學行醇篤為士林所推重終慶府紀善

宏治志

獨孤樂善西廂人由庶吉士歷任刑部郎中居官三十

餘年以廉慎自守

宏治志

曾泉字本清求紫巷人永算十六年進士選庶吉士改御史宣德初都御史邵玘甄別屬察泉謫汜水縣典史卒正統四年河南叅政孫原貞上言泉操行廉潔

泰和縣志

卷二十

人物

列傳

二

服官勤敏不以降黜故有偷惰心躬督民闢荒土收穀麥伐材木備營繕通商賈完逋責官有儲積民無科擾造舟楫置棺槨贍民器用百姓婚不給者咸資於泉死之日老幼巷哭臣行部汜水泉沒已三年民懷其惠言輒流涕請追復泉爵褒既往以風方來帝從之

明志

按楊東里集邵玘為副都御史時御史尤縱奉勅簡擇奏黜其不肖及庸懦者殆半綱紀復振觀泉之黜則玘亦未必盡公允也又宏治志泉汜水

蒞政勤能頻課生徒校官厭之泉乃選四鄉俊秀
自教之三年多有成才邑臨黃沙教民結網捕魚
大得其利時督民開荒田伐材木耕無牛者助之
顛連者得棺以送死貧乏者得時以成婚民感其
惠恐其去為立生祠

李湘字永懷永樂中由國子生理刑都察院以才擢東
平知州常祿外一無所取訓誡吏民若家人然城東
有大村壩源出岱嶽雨潦輒為民患奏發丁夫隄之
州及所轄五邑地多荒蕪力督民墾闢公私皆實會

泰和縣志

卷二十

人物

列傳

三

舊官還任將解去民羣乞於朝帝從其請成祖晚年
數北征令山東長吏督民轉餉道遠多死亡惟東平
人無失所奸人誣湘苛歛民財訐於布政司縣民千
三百人走訴巡按御史暨布按二司力白其寃耆老
七十人復奔伏闕下發奸人誣陷狀及布政司繫湘
入都又有耆老九十人隨湘訟寃通政司以罪下刑
曹閱實乃復湘官而抵奸人於法蒞州十餘年至正
統詔大臣舉郡守尚書胡濙以湘應遂擢懷慶知府
東平民扶攜老幼泣送數十里懷慶有軍衛素扶勢

厲民湘隨時裁制皆不敢犯居三年卒

明史

李信圭字君信南岡人洪熙初舉賢良授清河知縣縣
瘠而衝官艘口相衝役夫動以千計前令請得沐陽
五百人為助然去家遠艱於衣食信圭請免其助役
代輸清河浮征三之二兩邑便之俗好發塚縱火信
圭設教戒十三條令里民書于牌月朔望儆戒之且
令書其民勤惰善惡以聞俗為之變宣德三年上疏
言本邑地廣人稀地當衝要使節絡繹日發民挽舟
丁壯既盡役及老稚妨廢農桑前年兵部有令公事

泰和縣志

卷二十

人物

列傳

四

亟者舟子五人緩者則否今此令不行役夫無限有
一舟至四五十人者凶威所加誰敢詰問或遇快舟
步追不及則官舫人役沒其所齎衣糧俾受寒餒乞
申明前令哀此悼人從之八年春又言自江淮達京
師沿河郡縣悉令軍民挽舟若無衛軍則民夫盡出
有司州縣歲發二三千人晝夜以俟而上官又不分
別雜泛差役一體派及致土田荒蕪民無蓄積稍遇
歉歲輒老稚相攜緣道乞食實可憫傷請自儀真抵
通州盡免其雜徭俾得盡力農田兼洪夫役帝亦從

蕭鏞字孟勤南坑人鵬舉子宣德八年進士需次於家八年帝命楊溥合選三科進士拔二十八人為庶吉士鏞為首英宗即位授編修正統三年進侍讀久之代李時勉為國子監祭酒景泰元年以老疾辭既得免監丞鮑相率六館生連章乞留帝可其奏明年以本官兼翰林學士與侍郎王一寧並入直文淵閣又明年進戶部右侍郎兼官如故易儲議起鏞曰無易樹子霸者所禁矧天朝乎不聽寰宇通志成進戶部尚書帝不豫諸臣議復憲宗東宮李賢私問鏞鏞曰

泰和縣志

卷二十

人物

列傳

六

既退不可再也英宗復位遂削籍天順八年卒

明史

按萬歷志所拔二十八人為庶吉士作取鏞等十
二人與此傳異又鏞所著有成均詞垣尚約三集

羅仲本名謨宣德二年進士歷刑部主事郎中陞廣東布政司叅政景泰辛未驛召問考禮部試事畢奉勅提督廣東所屬司府衛所州縣秋糧以備接濟征勦官軍處治得宜軍民稱便

宏治志

蕭胆字仰善城西人宣德二年進士沈靜有幹局官刑部主事郎中陞雲南副使會南邊警奉敕勦之胆為

宣布德意執其首惡治罪餘黨悉縱不問有千戶以
鬪傷起獄蔓引百餘人連歲疑不決叵一訊得其情
雲南遠藩供需率踰制叵盡為裁省曰官奉自有常
度可因而贖貸耶擢湖廣左布政使時工部造漕船
歲為民累叵謂官積木累萬而重賦于民非便言之
部民得緩役官至禮部尚書卒

府志

按宏治志叵陞雲南按察副使轉湖廣左布政使
新志作雲南布政使誤

曾翬字時升上模人宣德八年登第正統初授刑部主
泰和縣志

卷二十

人物

列傳

七

事曾佐戶部侍郎焦宏脩兵吳越事悉付翬焦還揚
諸朝士曰雖使宿金帛庫不染也晉員外郎尋陞廣
西叅政河南有清軍御史檄翬同事欲多功翬不從
曰清軍以為民也誣民為軍可乎歷陞山東河南布
政在河南荆襄盜起翬念王師出征必道河南預命
郡縣儲糧餉具芟芻候至給之民無擾累歲飢民缺
食又償軍需銀萬兩公私莫辨乃會計開封倉糧數
多出百萬平價糶之而軍賞亦無缺先行後奏皆從
其言未幾陞刑部左侍郎又命巡視浙江許便宜行

事至則黜不職官吏百人一一皆當舉十餘人後皆為名臣越歲還京署部事有中貴怙寵殺人事覺具奏逮治之京師戒貴無敢犯者後自陳老疾乞居家二十餘年足跡不至城府人多不識其面卒年八十二自號龍坡居士所著有龍坡集

康熙志

按列卿傳載翬以廣西叅政丁憂服闋起官河南御史清軍者利得軍多枉及民翬辨釋甚衆南陽諸府多流戶衆議驅逐人情惶恐翬撫安之與康熙志所載互異

泰和縣志

卷二十

人物 列傳八

蕭璉字孟奎宣德八年進士為刑部主事丁內艱改工部陞郎中嘗總督修城調度經畫悉有方畧改禮部祠祭司練達老成陞本部侍郎改南京吏部左遷湖廣叅政

宏治志

龍文字士郁甘溪人舉子登正統元年第擢中書舍人陞吏部驗封員外郎文選郎中以清慎得名天順初陞南京工部侍郎居官尋卒

萬歷志

按明統志作龍文字彥祥與此異又宏治志稱文以冠帶舉人擢中書

段纘字元述西廂人以歲貢舉正統三年順天鄉試任
阿迷州學正陞國子助教以翰林檢討致仕文翰行

誼為翰林所推重宏治志

陳宜字公宜登正統七年進士擢工科給事中建言除

迎春冗費士論高之歷官應天府丞雲南布政陞副

都御史巡撫貴州出使占城扈駕北征屢著奇績進

兵部左侍郎丁內艱歸卒于濟寧平生為人謹厚有

德望而經學尤工宏治志

按新志稱宜擢工部尚書所著有金臺集滇南集

泰和縣志

卷二十

人物 列傳 九

遺芳集查宏治志卒于侍郎任萬歷志同新志誤

劉錯字用南正統七年進士任刑部主事值也先入寇

條陳十四事皆見採納時朝士紛紛陰遣家屬避寇

錯上章劾之有輕宗社如敝屣忘君父如路人之語

上命御史詰察衆心始定陞陝西按察司僉事丁母

憂改山東奏舉復舊制整頓憲綱嚴有司講讀律人

勅巡撫之不法者十事調雲南尋歸家居聞廣寇弗

靖上平蠻策于朝晚年又著安民策萬餘言未上而

卒宏治志

按錯字用南萬歷志作用甫又錯自號鐵心道人
子鴻弱冠領鄉薦累舉進士不第益肆力為詩文
名重一時號七星居士所著有七星集

王儼字民望南富人生而聰穎早年博極經史尤邃於
易登正統七年進士初授行人出使兩廣轉交戶刑
給事以言事謫簿郊城天順癸未因疾致仕歸里築
武溪橋建祠宇暇則課子姪讀書求詩文者趾錯於
戶當時重之成化間纂修英廟實錄聘為總裁後為
澄江書院師家居三十年削跡府城自號甘貧叟所

泰和縣志

卷二十

人物

列傳

十

著有南齋集

康熙志

按宏治志儼轉兵戶二科給事中未嘗為刑部也

康熙志誤

蕭彛字元衷正統十年登第授吏部考功司主事尋進
本司員外郎中在考功二十餘年多所建白時冢宰
二王公皆一時元老每事多諮詢而行故事外官以
疾告告言未及五十五草職巡檢課績必獲逸囚三
十人始稱考不則黜去彛請外官年及致仕未及者
亦與冠帶同獎恬退又查永樂中恩旨援奏課巡檢

得別詔皆從其議凡所行事終不言人亦鮮知之
左通政歷南京工部右侍郎有檢入者以飛語誣
既得白遂乞歸侍二親以終所著有梅菴集萬歷志
楊渙字德濟以歲貢中順天鄉試正統十年登第授四
會知縣廉謹愛民所治近徭峒歲時相率來聽約束
黃蕭養反四境騷動徭民率衆護縣縣已有備慰遣
之地產斲腸草民多輕生藉以誣人渙諭來訟者必
納此草連根數十斤久之其種遂絕其他善政尤多
三年巡撫楊信民奏為廣東按察僉事清白之操愈

泰和縣志

卷二十

人物 列傳 十一

勵又三年卒於官行橐蕭然最為都御史韓雍推重
四會立祠祀焉宏治志

曾蒙簡名廉以字行鶴齡子登正統十年進士為御史
有名擢福建按察僉事改湖廣遷浙江按察使所至
操履端潔政聲蔚然所著有序菴集宏治志

羅俊字從彥後塘人正統十三年進士仕為監察御史
景泰中左邊新會典史興學育才士賴其指授起科
第者六七人天順初陞仁化縣未幾擢潯州知府蠻
獠向化郡以無事改南雄府又二年卒於官俊為人

廉厚有古循吏風所著有奏議封事理冤錄霽軒詩文集子輔有文學居上庠屢試不偶棄去著有洪範

彙義萬歷志

按俊字從彥宏治志作承彥稱其在粵時兩廣盜起僉都御史韓雍有獻計拆民居立牌柵意在侵漁于民俊力請罷之其修府治增築新城俱措置無擾

尹直字正言子源孫景泰五年進士改庶吉士授編修成化初充經筵講官與修英宗實錄總裁欲革去景

泰和縣志

卷二十

人物

列傳

十二

泰帝號引漢昌邑更始為此直辨曰昌邑旋立旋廢景泰帝則為宗廟社稷主七年更始無所受命景泰帝則策命於母后當時定傾危難之中微帝則京師非國家有不宜去帝號時不能難歷陞侍讀學士六年上疏乞纂修明通典并續成宋元綱目章下所司十一年遷禮部右侍郎辭不許丁父憂服除起南京吏部右侍郎就改禮部左侍郎二十二年春召佐兵部占城王古來為安南所逼棄國來求援議者欲送之還直曰彼窮來歸我若驅使還國是段之也宜遣

大臣即詢量宜處置詔從之命都御史屠滂往貴州
鎮巡官奏苗反請發兵廷議將從之直言起釁邀功
不可信命官往勘果無警改戶部兼翰林學士入內
閣踰月進兵部尚書加太子太保直明敏博學練習
朝章孝宗立令致仕宏治九年表賀萬壽并以太子
年當出閣上承華箴引先朝少保黃淮事冀召對帝
却之正德中卒謚文和明史

按直所著有澄江文集及瑣綴錄等書行世

楊琚字朝用景泰五年進士授兵部武選司主事改職

泰和縣志

卷二十

人物

列傳

十三

方出鎮山海關遂陞武選司郎中成化中奉敕陝西
紀軍功嘗奏改延綏城堡及建言軍民利病陞湖廣
右叅議分守荆襄等府築老龍堤疏竹筒河及創改
水驛巡司民德之九載陞四川右叅政所著有愚直

漫稿家禮通考

萬曆志

羅用俊山鄉薦歷官南京國子助教身先表士教立行
尊以子欽順貴封吏部右侍郎致仕歸三十年好學
一如少壯卒年八十七子三人俱舉進士長欽順官
尚書次欽德官憲使次欽忠官大中丞德子程又登

進士時稱鳳林云

萬歷志

康驥字德良西城人景泰五年進士拜監察御史天順初宦官武將擅竊威權賣鬻官爵驥抗章論之羣小泣訴於上下驥獄雖拷掠備極而辭氣侃侃百折不屈既得釋奸黨斂戢後巡按北直隸山東所至風紀振揚吏民畏懾陞福建轉運使

萬歷志

按治志驥以錦衣衛籍中順天鄉試

王用字廷用梳口人登景泰五年進士任監察御史有聲歷官四川副使陞河南布政嘗巡按蘇松斷決流

泰和縣志

卷二十

人物

列傳

十四

獄無阻滯貪墨望風知懼

宏治志

羅璟字明仲天順末進士及第授編修進修撰預修宋元通鑑綱目累官洗馬孝宗為太子簡侍講讀母喪歸璟與尚書尹旻子侍講龍同娶於孔氏旻得罪李孜省指璟為旻黨調南京禮部員外郎孝宗嗣位王恕等言璟才乃授福建提學副使宏治五年召為南京祭酒卒

明史

按萬歷志載璟為子理之孫其父進善從楊文貞公居京師一夕夢鶴飛止中堂而生璟其膚瑩潔

天庭黜瘧赤如丹砂文貞曰此免鶴相宜善視之
三歲教以詩書應口成誦又人文紀畧稱璟官祭
酒三年致仕歸所著有冰玉集

蕭禎字彥祥龍陂人正統末進士由刑部主事陞湖廣
僉事以廉幹名歷九載不奏績而歸尋遣中使就家
起為副使累官都察院副都御史巡撫陝西進南京
工部侍郎轉刑工二部尚書性本廉潔尤精吏事所
至赫赫有聲後以疾致仕

萬歷志
按宏治志作天順八年進士萬歷志誤

泰和縣志

卷二十

人物

列傳

十五

張達字時達西甯人天順甲申進士授工部主事曾諫
興佛塔卒寢其事出漕運呂梁適歲飢徐淮民相食
冒謗發倉賑之活飢民數千人進鴻臚寺光祿寺卿
陞工部右侍郎天性簡靜稱為長者卒于官羅欽順

為作神道碑

萬歷志

蕭蒼字成表成化二年進士為南京陝西道御史監左
藏中貴忌之又抗疏辨御史金忠之冤忤旨出為廣
西僉事糾官邪招流困極為巡撫朱所重陞雲南按
察副使屢著奇績子鍛成化間應鄉舉刻志力行未

任而卒 萬歷志

按蒼字成表宏治志作承表

曾望宏字實夫成化間登進士授刑部主事歷郎中死
部務掣肘者大司寇悉付之曰非曾郎中不可有駙
馬奏爭民田望宏察實悉歸之民奏報稱旨尋擢常
州府至則表節義抑豪強勸農造士政治有聲改南
雄府雄當孔道外番奇物多過其地望宏持法嚴謹
行者避之 萬歷志

龍伯字廷魁甘溪人父士熙任淑蒲縣教諭母胡氏病

泰和縣志

卷二十

人物

列傳

十六

日侍湯藥夜常路禱克敦孝行登成化丙戌進士出
宰慈谿首舉農桑學校惠鰥寡孤獨葺先賢之祠雪
寡婦之冤禱雨龍見頌聲大起卒於官無以為殮民
思之為立祠焉 萬歷志

曾彥字士美成化七年鄉試戊戌廷對第一授修撰滿
九載當陞以左道李孜省受囑譖學士遂出為南京
翰林院侍讀宏治初召修成化實錄進諭德尋改南
京掌院事乞歸許之彥才力敏贍應辨如響嘗因星
變言請親大臣重科道語甚激切在春坊時又三上

疏一請行久任之法一請凡御朝之暇宣內閣及大臣論時政利弊一請寬御史李興彭程謝瑩等三又重罪皆得先行

康熙志

按明統志稱彥登第時年幾六十官至南京翰林學士其為文不事刻削而思致綿邈自不可及

廖森謨從孫舉成化十年鄉試歷官涪州知州境內常有四虎為害森遣人捕殺其三獨白額者猛而驚不可得乃齋沐自撰檄文告于城隍神翼日而虎自斃于郭外進士長壽朱華為作祝虎傳

宏治志

泰和縣志

卷二十

人物

列傳

十七

曾追字文甫成化戊戌進士及第第二為文章俊逸出入經史援筆數千言畧不經意為儕輩所推重入翰林為編修未浹年以疾卒

人文紀畧

羅欽順字允升宏治六年進士及第授編修遷南京國子監司業與祭酒章懋以實行教士未幾奉親歸因乞終養劉瑾怒奪職為民瑾誅復官遷南京太常少卿再遷南京吏部右侍郎入為吏部左侍郎世宗即位命攝尚書事上疏言久任超遷法當疏通不報大禮議起欽順請慎大禮以全聖孝不報南京吏部尚

書省親乞歸改禮部尚書會居憂未及拜再起禮部尚書辭又改吏部尚書下詔敦促再辭許致仕有司給祿米時張璠桂萼以議禮驟貴秉政樹黨屏逐正人欽順耻與同列故屢詔不起里居二十餘年足不入城市潛心格物致知之學王守仁以心學立教欽順致書守仁畧曰聖門設教文行兼資博學於文厥有明訓如謂學不資於外求但當反觀內省則正心誠意四字亦何所不盡必於入門之際加以格物工夫哉守仁得書亦以書報大畧謂理無內外性無內

泰和縣志

卷二十

人物

列傳

十八

外故學無內外講習討論未嘗非內也反觀內省未嘗遺外也反復二千餘言欽順再以書辨曰執事云格物者格其心之物格其意之物格其知之物凡為物也三謂正其物之心誠其物之意致其物之知其為物也一而已矣就三而論以程子格物之意推之猶可通也以執事格物之訓推之不可通也執一物而論則所謂物果何物耶如必以為意之用雖極安排之巧終無可通之日也又執事論學書有云吾心之良知即所謂天理致吾心之良知之天理于事物

則事事物物皆得其理矣致吾心之良知者致知也
事事物物各得其理者格物也審如所言則大學當
云格物在致知不當云致知在格物與物格而后知
至矣書未及達守仁已沒欽順為學專力於窮理存
心知性初由釋氏入既悟其非乃力排之謂釋氏之
明心見性與吾儒之盡心知性相似而實不同釋氏
之學大抵有見於心無見於性令人明心之說混於
禪學而不知有千里毫釐之謬道之不明將由於此
欽順有憂焉為著困知記自號整菴年八十三卒贈

泰和縣志

卷二十

人物

列傳

十九

太子太保謚文莊

明史

按康熙志欽順家居絕造請杜門徒每旦正衣冠
登學古樓端坐觀書獨處無惰容食恒二簋居無
臺榭宴無聲樂歲八十天子命撫臣及門存問卒
之日天馬山鳴訃聞震悼敕賜葬祭祀鄉賢子琰
珩皆孝謹守教珩官至郡守

國朝雍正二年欽順祔祀

文廟兩廡并給帑修理

祠墓

陳鳳梧字文鳴十歲能詩宏治間登第選廢吉士授刑

部主事出為提學副使累陞副都御史遷右都御史
歷官二十餘年章疏凡六十餘上始應孝皇詔言五
事世宗繼統言八事皆關係君德切於時政至如奏
免御史大比會考著為令甲正太監接見禮儀大扶
士風家居掃室靜坐日惟著書旦夕衣冠終日不見
惰容鄉中後進奉為師法卒贈工部尚書所著有四
書六經集解修辭集奏疏稿

萬曆志

按通志載人物志稱鳳梧為主事清寧宮災應詔
言時政奉命江南審錄重囚多所平反出為湖廣

泰和縣志

卷二十

人物

列傳

二十

提學僉事推衍聖制為十八條刊示郡縣歷陞山
東左布政使唐志失載

劉訥字鈍夫性孝友家貧苦學工於詩年三十遂以詩
得名屢舉不第應貢入為國子生既卒業歸貧益甚
不能舉火者常二三日適鄰姬以羹飯餽其妻妻將
進食之訥問得狀麾去不食哦詩怡如也晚年著作
成帙為人取去代梓竟不還訥卒遂亡其稿

萬曆志

鄧鼎字廷器幼讀小學書見諸葛武侯范文正公事
書願學字於篇稍長從郡羅太史倫遊有造詣既登

第出知鄧州鋤豪強厲士風賑飢察獄全活甚衆鄧
人德之後改推州修學築堤有功陞南京刑部郎坐
治獄執議忤當道意遂告歸鼎事父孝事兄如事父
居官所入俸給散其族人
有差所至以才名未竟於
用而卒

萬曆志

泰和縣志

卷二十

人物

列傳

二十一